

19 OCT 1999

DR MAHATHIR MENGADAKAN PERBINCANGAN DENGAN PRESIDEN VENEZUELA

PUTRAJAYA, 19 Okt (Bernama) -- Perdana Menteri Datuk Seri Dr Mahathir Mohamad hari ini mengadakan perbincangan dengan Presiden Venezuela, Hugo Rafael Chavez Frias yang berada di sini untuk menarik pelabur Malaysia melabur di negaranya.

Perbincangan itu diadakan di Jabatan Perdana Menteri di sini.

Kedua-dua pemimpin itu kemudian menghadiri mesyuarat delegasi Malaysia-Venezuela. Antara yang turut serta dalam delegasi Malaysia ialah Menteri Luar Datuk Seri Syed Hamid Albar dan Menteri Perdagangan Antarabangsa dan Industri Datuk Seri Rafidah Aziz.

Chavez Frias, yang tiba semalam berada di sini untuk lawatan negara selama tiga hari.

Ini merupakan lawatan pertama beliau ke Asia Tenggara sejak memegang jawatan presiden bermula Februari lepas.

Lawatan Chavez Frias ke Malaysia bertujuan memperkukuhkan hubungan Venezuela-Malaysia dan bertukar pandangan dan pengalaman dengan pemimpin-pemimpin Malaysia mengenai pembangunan ekonomi dan isu-isu antarabangsa, menurut Kementerian Luar.

Rombongan presiden itu terdiri daripada pegawai-pegawai kanan Kementerian Perancangan dan Pembangunan Venezuela, Kementerian Komersil dan Pengeluaran, Kementerian Infrastruktur, Tenaga dan Perlombongan serta Kementerian Sains dan Teknologi negara itu.

-- BERNAMA

ES PR